

**Talamdan sa
Mga Mensahe alang sa Full-time Training
sa Fall Term sa 2022**

**LINANGKOB NGA HISGOTANAN:
MAGKINABUHI DIHA SA REALIDAD SA LAWAS NI CRISTO
SA PAGKAT-ON KANG CRISTO MAINGON NGA NAA NI JESUS ANG REALIDAD**

Mensahe 16

**Maumol sa Espiritu sa Realidad
ug Makat-on ni Cristo sa Matudloan Ta diha Niya maingon nga Naa ni Jesus ang Realidad**

Basahong Kasulatan: Juan 14:17; 15:26; 16:13; 1 Juan 5:6; Efe. 4:20-21; Fil. 3:10

**I. Aron marealidad ang Lawas ni Cristo, kinahanglan maumol ta sa Espiritu sa realidad—
Juan 14:17; 15:26; 16:13:**

- A. Gipadayag sa mga sinulat ni Juan nga ang Espiritu mao ang Espiritu sa realidad—14:17; 15:26; 16:13; 1 Juan 5:6.
- B. Ginganlan ang Espiritu og Espiritu sa realidad kay bisan unsa ang Amahan diha sa Anak ug bisan unsa ang Anak, natinuod man diha sa Espiritu—Juan 16:13.
- C. Ang Espiritu sa realidad mao ang realidad sa Tulo-usang Dios; sa ato pa, Siya ang realidad sa tanang pagkamao sa Tulo-usang Dios ug sa tanan Niyang nahuman, nabatongan, ug nakab-ot—15:26.
- D. Ang Espiritu mao ang realidad ni Cristo ug sa diosnong pinadayag; busa, ginganlag realidad ang Espiritu—1 Juan 5:6.
- E. Giyahan ta sa Espiritu sa realidad ngadto sa tanang realidad—Juan 16:13:
 - 1. Gigiyahan sa Espiritu sa realidad ang mga magtutuo ngadto sa tanang realidad sa Tulo-usang Dios ug sa tanang diosnong butang—2 Cor. 13:14.
 - 2. Sa Juan 16:13 nagpasabot ang *realidad* sa nabatongan sa Amahan, sa nabatongan sa Anak, ug sa nadawat sa Espiritu sa nabatongan sa Anak ug sa Amahan.
- F. Sa giyahan ta sa Espiritu sa realidad ngadto sa diosnong realidad sa pagpalatay Niya ning realidad kanato, mahimong pagkamao sa atong pagkatawo ang diosnong realidad—ang nahikay ug nahingpit nga Tulo-usang Dios—Efe. 3:14-17a.
- G. Kay nisulod na man nato ang Espiritu sa realidad, nagpabilin kanato ang realidad—Juan 14:6, 17:
 - 1. Kana rang naa sa Espiritu sa realidad maoy espirituhanong realidad—16:13.
 - 2. Maanaa gyod sa Espiritu sa realidad ang tanang espirituhanong butang ayha pa kini mahimong tinuod, buhi, ug organico sa adlaw-adlawng pagkinabuhi nato—14:6, 17.
- H. Mahimo gyod untang realidad, kinabuhi, ug pagkinabuhi nato ang Espiritu sa realidad, ug iaplikar gyod kining realidad sa tibuok natong pagkatawo ug sa tanang butang ug tanang paagi ug sa ingon niana mahimong realidad nato sa adlaw-adlawng paggawi nato—3 Juan 3.

II. Sa Efeso 4:21 wala moingon si Pablo nga naa ni Cristo ang realidad; niingon hinuon siya nga naa ni Jesus ang realidad:

- A. Ang pamulong *naa ni Jesus ang realidad* nagpasabot sa aktwal nga kahimtang sa kinabuhi ni Jesus ingon sa nasulat sa upat ka Ebanghelyo—Mat. 7:28—8:3; Mar. 1:14-15; Luc. 8:4-18; Juan 4:34:
 - 1. Ang hinungdan niini kay sa nagkinabuhi pa si Ginoong Jesus dinhi sa yuta ingon nga tawo, kanunay mang naay realidad diha Niya—14:6.
 - 2. Diha ni Jesus, sa ato pa, sa Iyang pagkinabuhi ingon nga tawo ug adlaw-adlaw nga paggawi—nagtrabaho ba Siya ingon nga panday o nagtuman sa Iyang pagpangalagad—naay realidad sa tanang panahon—1:14, 17.
- B. Makita nato sa Efeso 4:17 ang kalainan tali sa realidad nga naa ni Jesus ug sa kakawangan sa salabotan sa mga Gentil:
 - 1. Walay kakawangan sa pagkinabuhi ni Jesus ingon nga tawo; naa ra hinuoy realidad—Juan 14:6.
 - 2. Sa walay Dios nga katilingban nato wala laing naa kondili kakawangan sa mga kakawangan ra—Eccl. 1:2; Sal. 39:4-6a.

- C. Realidad ang tanang naa sa adlaw-adlawng pagkinabuhi sa tawo nga si Jesus—Juan 1:14:
1. Realidad ang bisan unsang gibuhay Niya sa pagkinabuhi Niya ingon nga tawo—v. 17.
 2. Walay usa sa Iyang mga pulong nga kawang—itandi sa 1 Ped. 2:22.
 3. Kakawangan ang walay Dios nga paggawi sa mga nasod, sa hulog nga katawhan, apan naay realidad sa diosnong kinabuhi ni Jesus—Efe. 4:17, 21.
 4. Nagkinabuhi si Jesus nga nagbuhay sa tanan diha sa Dios, uban sa Dios, ug alang sa Dios—Juan 17:4.
 5. Naa sa Iyang pagkinabuhi ang Dios, ug nausa Siya sa Dios; kini ang gipasabot sa *naa ni Jesus ang realidad*—5:17, 36.
 6. Kitang mga magtutuo, nga gipanganak pag-usab ni Cristo nga atong kinabuhi ug natudloan diha Niya, nakakat-on Niya maingon nga naa ni Jesus ang realidad—Col. 3:4; Efe. 4:21.
 7. Gipadayag sa upat ka Ebanghelyo nga sa tanang detalye sa adlaw-adlawng pagkinabuhi sa Ginoo, walay kakawangan kondili realidad ra—Juan 1:14, 17.
 8. Sa halos matag pahina sa upat ka Ebanghelyo, makita nato ang makadani-sa-pagtagad nga kalainan tali sa realidad nga naa sa diosnong pagkinabuhi ni Jesus ug sa kakawangan nga naa sa pagkinabuhi sa mga tawong naglibot Niya, sama sa mga magsusupak Niya maingon sa Iyang mga tinun-an—Mat. 23:1-36.
- D. Dili lang kinabuhi si Cristo kanato kondili panig-ingnan sab:
1. Sa kinabuhi Niya dinhi sa yuta naghimo Siyag sumbanan, ingon sa gipadayag sa mga Ebanghelyo—Fil. 2:6-8.
 2. Unya gilansang Siya sa krus ug nabanhaw aron mahimong Espiritu nga taghatag-og-kinabuhi aron makasulod Siya nato ug mahimong atong kinabuhi—1 Cor. 15:3-4, 45b.
 3. Nakakat-on ta Niya sumala sa Iyang panig-ingnan, dili pinaagi sa atong natural nga kinabuhi kondili pinaagi Niya nga atong kinabuhi diha sa pagkabanhaw—Mat. 11:29; Juan 11:25.

III. Ang makat-on ni Cristo kana mang mahulma sa sumbanan ni Cristo, sa ato pa, masama sa dagway ni Cristo—Fil. 3:10; Rom. 8:29:

- A. Sa katloag tulo ug tunga ka tuig ni Ginoong Jesus dinhi sa yuta, gihulma Niya ang hulmahan, ang sumbanan, nga niini ipasama gyod ang tanang nanuo Niya—Fil. 3:10; Rom. 9:20:
1. Matod pa sa rekord sa upat ka Ebanghelyo, kinabuhi sa realidad ang kinabuhi ni Ginoong Jesus.
 2. Ang realidad mao ang pagsidlak sa kahayag—Mat. 4:16; Luc. 1:78-79; Juan 1:5, 7-9:
 - a. Ang kahayag maoy tinubdan, ug ang realidad maoy pagpadayag niini—vv. 4, 14, 17.
 - b. Si Ginoong Jesus ang kasanag sa himaya sa Dios; nagpasabot kini nga Siya ang pagsidlak sa Dios nga kahayag—Heb. 1:3; Juan 8:12.
 - c. Kay naa may pagsidlak sa kahayag sa tanang aspeto sa pagkinabuhi sa Ginoo dinhi sa yuta, kinabuhi sa realidad ang Iyang kinabuhi, kinabuhi sa pagsidlak sa Dios mismo—1:9; 1 Juan 2:8.
 - d. Pagpadayag sa Dios kanang kinabuhi sa realidad; tungod niini, niingon si Pablo nga makat-on ta ni Cristo maingon nga naa ni Jesus ang realidad—Efe. 4:21.
 - e. Sa ato pa, nakat-on ta ni Cristo segun sa hulmahan sa kinabuhi ni Jesus, nga mao ang realidad—Fil. 3:10.
- B. Sa nahimo na ni Cristo kining hulmahana, niagi Siya sa kamatayon ug pagkabanhaw, ug sa pagkabanhaw nahimo Siyang Espiritu nga taghatag-og-kinabuhi; isip ingon niana nga Espiritu, nisulod Siya nato aron mahimong kinabuhi nato—Juan 11:25; 1 Cor. 15:45b; Col. 3:4:
1. Sa pagtuo nato ni Cristo ug gibautismohan, gibutang ta sa Dios Kaniya nga hulmahan (maingon nga gibutang sa hulmahan ang minasa)—itandi sa 1 Cor. 1:30; 2 Cor. 5:17; Rom. 8:1.
 2. Sa pagbutang kanato sa hulmahan, nakat-on ta sa hulmahan—Fil. 3:10; Efe. 4:20-21:
 - a. Nagpasabot kini nga sa pagbutang kanato kang Cristo, nakat-on ta ni Cristo—v. 20.
 - b. Sa usa ka bahin, gibutang ta sa Dios kang Cristo; sa laing bahin, nisulod si Cristo kanato aron mahimong kinabuhi nato—Juan 11:25; Col. 3:4.
 - c. Makakinabuhi na ta Niya karon segun sa hulmahan gibutangan sa Dios kanato.
 - d. Naa ta ni Cristo nga hulmahan, ug naa Siya nato isip kinabuhi nato; sa ingon niini nakat-on ta ni Cristo maingon nga naa ni Jesus ang realidad—1 Cor. 1:30; Col. 3:4; Efe. 4:20-21.